

(<https://news.usm.my>)

Berita Mutakhir

31 JUL

SUKUM JULANG SEMANGAT PERPADUAN STAF UNIVERSITI



TANJUNG MALIM, 31 Julai 2017 - Penganjuran Sukan Staf Antara Universiti Malaysia (SUKUM) dilihat terus menyatu dan menjulang semangat perpaduan kalangan warga staf universiti.

Kejohanan kali ini yang melibatkan 20 buah Institut Pendidikan Tinggi Awam (IPTA) selain menyediakan medan untuk bertanding, juga membolehkan staf yang mengambil bahagian mengerat silaturrahim dan bertukar idea untuk meningkatkan mutu pendidikan negara.

Menteri Besar Perak, Dato' Seri Diraja Dr. Zambry Abdul Kader berkata SUKUM berupaya menyatukan semangat perpaduan warga staf universiti terutamanya membangunkan mutu sukan dan pendidikan peringkat universiti seterusnya negara.



"Sejak tahun 1974 dianjurkan, saya melihat SUKUM amat membantu pembangunan sukan negara melalui pembangunan prasarana, fasiliti sukan dan persediaan atlet," katanya ketika merasmikan Sukan Staf Antara Universiti Malaysia (SUKUM) ke-42 di Stadium UPSI, di sini malam ini.

Beliau turut berharap SUKUM yang setiap tahun penganjurannya menjadi wahana saling berhubung antara satu sama lain bagi memartabatkan sukan seiring pendidikan di negara ini.

Turut hadir, Pengerusi Jawatankuasa Sumber Manusia, Belia dan Sukan Negeri Perak, Dato' Shahrol Zaman Yahya; Naib Canselor Universiti Pendidikan Sultan Idris (UPSI), Prof. Dato' Dr. Mohamad Shatar Sabran dan para Pegawai Utama Universiti Awam.

UPSI dipilih selaku tuan rumah SUKUM ke-42 yang berlangsung bermula 29 Julai sehingga 5 Ogos 2017.



Pada kejohanan tahun ini, kontinjen Universiti Sains Malaysia (USM) terdiri daripada 227 orang staf menyertai 16 daripada 21 acara sukan yang dipertandingkan.

Sehingga hari ketiga kejohanan memperlihatkan USM terus unggul di tangga kedua dari keseluruhan IPTA melalui pungutan pingat dengan 10 Emas, 11 Perak dan 9 Gangsa dengan pasukan Ping Pong menghadihkan 3 Emas dan 2 Perak.



USM terus mengorak langkah memburu pingat apabila pasukan Hoki berjaya menempah tempat di peringkat separuh akhir bertemu Universiti Putra Malaysia (UPM) jam 8.30 pagi esok.

Antara acara lain melibatkan kontinjen USM di hari keempat kejohanan:

Bola Sepak

USM - UM

Masa: 4.45 petang

Badminton (Veteran)

USM-UTHM

Masa: 8.30 pagi

USM-UPM

Masa: 4.00 petang

Badminton (Senior)

USM - UPSI

Masa: 11.30 pagi

Bola Tampar

USM - UKM

Masa: 8.30 pagi

Tenis

USM - UPSI

Masa: 8.15 pagi

Tenpin Bowling

Bergu L/W

Petanque

Bergu L/W

Teks: Mohd Azrul Mohd Azhar



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015